



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 43. An & qualiter Clericus conjugatus promoveri possit ad beneficium Ecclesiaticum, administrationem, & obtinere pensionem Ecclesiasticam.

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

4. Limitatur è contra responsio quò ad petendum uxoris consensum, nimirum, quòd in casu, ubi vir habet legitimam causam divortii. V. g. ob notorium aut legitime probatum uxoris adulterium, necesse non sit petere uxoris consensum; eam tunc vir deinceps continens in perpetuum dimittere possit uxorem quòd ad cohabitationem. *c. significasti. de divortii.* eaque privetur omni jure conjugali, ac ita etiam eam invita ad sacros Ordines promoveri juxta *c. constitutus. de convers. conjugat.* junctà Gloss. *v. ad gradum Sacerdotii.* Abb. *ibidem num. 5.* Sanch. *de matrim. l. 10. d. 11. num. 16. &c.*

Quest. 43. *An & qualiter clericus conjugatus promoveri possit ad beneficia ecclesiastica, administrationes, & obtinere pensionem ecclesiasticam?*

1. **R**esp. ad primum: Clericus Ecclesiæ latinæ conjugatus non potest obtinere beneficium ecclesiasticum, etiam modicum, in titulum, nisi sub iisdem conditionibus, de quibus *quest. preced.* pro ut expresse statuitur. *c. 2. § 8. h. t. Extravag. antiquæ. de voto.* junctà Gloss. *v. nec ad aliquod &c.* quibus positus, illius obtinendi & habendi est capax citra ullam dispensationem. Gonz. *ad Reg. 8. Cancell. gl. 2. num. 68.* Barbof. *ad cit. c. 2. num. 1. & 2.* Pirh. *h. t. num. 1. & 2.* Estque aliàs provisio beneficii, sive per institutionem & præsentationem, sive per electionem aut collationem, factò clerico conjugato ipso jure nulla. Garc. *de benef. p. 5. c. 8. num. 3.* Corrad. *inpr. benef. l. 1. c. 5. num. 151.* Sanch. *de mat. l. 7. d. 46. num. 14.* Pirh. *num. 2.* qui etiam *num. 3.* addit, nec valere Consuetudinem, ut clericus conjugatus habeat beneficium. Multoque magis hæc locum habent in dignitatibus ecclesiasticis, utpote quas sine gravi scandalo talis habere nequit juxta *c. decorem. h. t.* Barbof. *ibid.* Pirh. *cit. num. 3.* Si enim collata beneficia retinere nequit, ut dicitur paulò post, propter incompatibilitatem status conjugalis cum beneficii, multò magis est incapax nova obtinendi. Estque ratio horum, quòd conjugatus conditionibus dictis carens in omnibus (exceptis privilegio canonis & privilegio fori ecclesiastici in criminalibus juxta *c. un. h. t. in 6.*) censetur & habeatur ut laicus; laicus autem non est capax beneficii ecclesiastici. *c. cum adeo. de rescript.* Abb. *ibid. num. 3.* Felin. *num. 4.* & alii, quos citavi in *for. benef. p. 1. quest. 304.* ubi quoque illius extensionem dedi. Unde jam etiam cum tali clerico conjugato, ne quidem in ordine ad simplex beneficium, dispensate potest Episcopus; adeoque ad hoc opus dispensatione Papæ. Corrad. *l. c. num. 117.* Silv. *de benef. p. 1. quest. 7. num. 17.* Hojed. *de incomp. benef. p. 1. c. 24. num. 77.* Barbof. *l. c. num. 2.* citans insuper Paris. *de resign. l. 4. qu. 2. num. 29.* Sanch. *de mat. l. 2. quest. 42. num. 18.* Garc. *p. 7. c. 5. num. 4.* Pirh. *h. t. num. 20.* cum communiore contra plures apud Sanch. *l. c. num. 17.* censentes, Episcopum posse dispensare cum tali ad beneficium simplex. Ratio est, quia Episcopus dispensare nequit contra jus commune nisi in casibus à jure concessis juxta *c. amputato. 25. q. 2.* junctà Gloss. *fin. & c. dilectus. de temp. ordm.* junctà Gloss. *v. permissa.* Inter quos casus non est dicta

dispensatio conjugati ad beneficium simplex; adeoque ad hanc non est argumentandum à dispensatione cum homicida & irregulari ad habendum beneficium, utpote quæ expresse concessa Episcopo in *c. Henricus. de cler. pugn. in duell. c. ad audientiam. c. continebatur. de homicid.* Dixi: non potest obtinere beneficium ecclesiasticum in titulum: nam potest illud obtinere ratione stipendii vel pensionis pro officio vel ministerio temporali. V. g. pro pullando Organo vel campanis, quippe cum quibus status laicalis non est incompatibilis. Barbof. *l. c.* Pirh. citans Sanch. *l. 7. d. 44. n. 4.* De cætero limitanda responsio sicut præcedens, nimirum, ut vir etiam carens consensu conjugis, aut quòd ea continentiam vovere debeat, possit promoveri ad beneficia pro casu, ubi habet causam legitimam divortii. Pirh. *num. 2.* citato Sanch. *l. 7. d. 42. n. 16.*

2. Resp. ad secundum: Sed neque administrationem ecclesiasticam, seu quæ per personam ecclesiasticam obiri solet, etsi ea non sit beneficium, clericus conjugatus obtinere potest. *c. 2. h. t.* Abb. *ibid. num. 3.* Barbof. *num. 1.* citatis aliis. Pirh. *cit. num. 1. in fine.* Unde etiam clericus conjugatus nequit esse Vicarius generalis Episcopi. Pax-Jordan. *l. 1. tit. 12. num. 98.* Barbof. *jur. eccles. l. 1. c. 15. num. 15.* Garc. *de benef. p. 5. c. 8. num. 3.* Sanch. *l. 7. d. 46. num. 14.* Pirh. *loc. cit. & ad ut. de off. Vicar. num. 31.* Sbroz. *de Vicar. l. 1. q. 31. num. 5.* & alii, quos citavi in *Vicar. Epis. q. 39.* Idque, etiam si conjugatus sit cum una eademque virgine, seu non bigamus; etiam si incedat in habitu & tonsura clericali; quia Vicarius Episcopi debet vivere in calibatu. Pax-Jord. *l. c.* Sbroz. *l. c. num. 6. & 8.* quamvis clericus bigamus etiam vivens in calibatu, seu soluto matrimonio, ex quo inducta bigamia, non potest esse Vicarius, quia caret privilegio clericalibus, & habetur pro laico. Sbroz. *loc. cit. num. 5.* Pax-Jord. *num. 99.* Pirh. *cit. num. 31.* Barbof. *loc. cit. num. 15.* Suar. *Tom. 5. d. 49. §. 5. à num. 14.* & plures alii, quos citavi in *Vicar. Epis. q. 38.*

3. Resp. ad tertium: Neque etiam clericus conjugatus obtinere potest pensionem ecclesiasticam, seu quæ titulo clericali conferri solet, nisi ex dispensatione Papæ. Sanch. *l. 7. d. 44. n. ult.* Barbof. *ad c. 2. h. t. num. 2.* Etsi enim pensio talis non sit beneficium ecclesiasticum in rigore, adhuc tamen ejus capaces hodie non sunt laici (pro qualibus, ut dictum, habentur istiusmodi clerici conjugati) ut Lotter. *de re benef. l. 1. quest. 40. num. 120.* Corrad. *loc. cit. l. 1. c. 5. num. 156.* Tusch. & alii, quos citavi in *for. benef. p. 1. q. 308.* dum etiam hodie non saltem ex diuturna Curia Romanæ praxi & stylo non nisi clericis constitui possit, ut AA. citati. Dataria etiam Apostolica in praxi admittit non consuevit, nisi pro clericis beneficiorum capacibus. Qui stylus & praxis pro lege servatur, ut Corrad. *loc. cit. num. 163.* ita etiam, ut Idem *n. 165.* citans pro hoc decis. Rota, ut si tempore reservationis pensionis sit laicus, reservatio sit nulla. vide me *loc. cit. & fusiùs 3. p. a. qu. 510.* ubi etiam *quest. 515.* ex professo hanc questionem: num clericus conjugatus, vel etiam bigamus capax sit pensionis. & *quest. 516.* An & qualiter Papa cum clerico conjugato aut bigamo dispensare possit & solet, præveniendò factum matrimonii aut bigamiz.

Quest.